



Петер язган биринчи кагъыз

Петерни биринчи кагъызы Исагъа иман салгъанланы айланадагъы вилайтлардагъы бары да жыйынлары учун язылган. Бу кагъызы язылмакълыгына Исагъа башлап иман салгъанланы къыйын гъалы себеп болуп токътагъан: оьзлени иманы саялы олагъа мысгъыл-лавланы, хорлавланы гёрмеге тюшген. «Токъташгъан гъалгъа гёре къыйышып яшап турайыкъмы яда гъакимликге къаршы турайыкъмы?» – деген сорав олагъа бир де ялыкъ бермеген. Петер иманы учун азап чегивлеге гъазир болуп турмагъа тюшегенин оланы эсине сала, неге тюююл де Исагъа иман салгъан адамны яшаву кёбюсю гезиклерде ону айланасындагъыларыныкине къыйышывлу гелип битмей. Кагъызда бу аслу токъташдыривлардан къайры да, Исагъа иман салгъанлагъа шолай гезиклерде нечик иш гёрмеге тюшегенлик булан байлавлу пайдалы таклифлер де бериле. Бары да иманлылар оьзюне тергев бакъдырагъан инг аслу умут Петерни бары да ёл гёрсетивлерини инамлы кюрчюсю болуп токътай. Элчи охувчуларына булай дей: «... Месигъ чекген азапларда ортакъчылыкъ этегенигизге сююнююз! Шо заман, Ону макътаву аян болгъанда, сююнюп-къуванып къалажакъсыз» (4:13).

Башлагъы саламлар

1 ¹Оьз уйлеринден йыракъда, Понтда, Галатияда, Каппадокияда, Асияда ва Битинияда ят ерлерде яйылышып яшайгъан сайлангъанлагъа Иса Месигъни элчиси болгъан мен Петерден салам! ²Атабыз Аллагъны алданокъ токъташдыргъанына гёре, сиз Иса Месигъге тынгламакъ ва гюнагъларыгъыздан Ону къанындан таба чайылмакъ учун, Аллагъны Ругъу булан юреклеригиз де тазаланып сайландыгъыз. Сизге Аллагъны рагъмусу ва парахатлыгъы артсын!

Жанлы умут

³⁻⁴Раббибиз Иса Месигъни Аллагънына ва Атасына гъар макътавлар болсун! Иса Месигъни оьлюмден тирилтип, Оьзюню зор уллу рагъмусу

булан Аллагъ бизин янгы яшавгъа багып тиргизди. Шону булан олюмге, кемчиликге ва замангъа таби болмайгъан варисликге жанлы умут берди. Шо варислик сизге деп кёклерде сакъланып тура. ⁵Сиз, иманыгъызны яхшылыгъындан Аллагъны къудраты булан сакъланып турагъанлар, къутгъарылывну табажакъсыз. Шо къутгъарылыв ахыр заман ачыкъ болажакъ.

⁶Сиз шо затлагъа сююнуп туругъуз. Амма гъали гъар тюрлю сынавлар булан сиз бир нечакъы заман, балики де, пашман болсагъыз да ярай. ⁷Шо сынавларгъа сиз иманыгъыз гъакъ кюйде болсун учун тюшдюгюз. Алтын даимлик зат тюгюл буса да, ону отда сынап къарар. Иса Месигъ къайтып гележек заман макътав, белгилилик ва абур алмакъ учун, алтындан кёп де сыйлы болгъан сизин иманыгъыз сыналма ва тасдыкъ этилме тарыкъ. ⁸⁻⁹Сиз Исаны гёрмесеиз де, Ону сюесиз. Сиз Ону гёрмеге болмасагъыз да, Огъар иман саласыз. Сиз айтып болмас даражадагъы ва артыкъ макътавлу сююнч булан къуванасыз, неге тюгюл де иманыгъызны мурады болгъан къутгъарылывугъузгъа етише турасыз.

¹⁰Пайхаммарлар бу къутгъарылывну гъакъында ахтарып-сорап юрюдюлер. Олар сизге Аллагъ бережек шо рагъмулу савгъатны гъакъында алданокъ билдирди. ¹¹Оьзлени ичинде Месигъни Ругъу яшайгъан пайхаммарлар шо Ругъ кимни ва къайсы заманны гёрсетегенине тюшюмне къарай эдилер. Шону Ругъ Месигъни азапларын ва Ону шо азаплардан сонгъу макътавлугъун алданокъ билдирегенде эте эди. ¹²Этеген къуллугъу оьзлер учун тюгюл, сизин учун этегени ачыкъ болгъан эди олагъа. Гъали сизге о гъакъда кёклерден йиберилген Аллагъны Ругъуну гючю булан Сююнч Хабарны гелтиргенлер айтды. Шоланы барын да малайиклер де англамагъа сюелер.

«Яманлыкъгъа бирдокъда ювукълашмагъыз»

¹³Шогъар гёре иш гёрме гъазир ва айыкъ кюйде туругъуз. Иса Месигъ къайтып гелегенде, Аллагъ сизге бережек рагъмугъа умут байлагъыз. ¹⁴Аллагъны тынглавлу авлетлери йимик болуп къалыгъыз. Яшавугъузну алда, сиз Аллагъны танымайгъан заманда, сизин елеген къастлардан амалгъа гелме къоймагъыз. ¹⁵Сизин чакъырагъан Аллагъ йимик, сиз де бары да амалларыгъызда муъмин болугъуз. ¹⁶Неге тюгюл де, Сыйлы Язывларда булай язылгъан: «Муъмин болугъуз, неге тюгюл де Мен де муъминмен».

¹⁷Эгер гъар кимге этген ишлерине гёре гъакъ дуван этеген Аллагъгъа сиз Атабыз деп айта бусагъыз, бу дюньядагъы ят ерлердеги заманыгъызны Огъар гъюрмет этив булан оьтгеригиз. ¹⁸⁻¹⁹Аталарыгъыздан къалгъан umpагъатсыз яшавлукъ къайдалардан сиз алтын яда гюмюш йимик пана затлар булан тюгюл, Исаны тетиксиз ва дамгъасыз бир къозуну

къанына ошайгъан асил къаны булан къутгъарылгъаныгъызны билесиз. ²⁰О дюнья яралгъынча алда танланды. Амма сизин учун бу ахыр заманларда арагъа чыкъды. ²¹Сиз Месигъни олюмден тирилтген ва Ону макътавлу этген Аллагъгъа Ондан таба иман салдыгъыз. Шогъар гёре сизин иманыгъыз ва умутугъуз Аллагъ булан байлавлу.

²²Гъакъ гертиликге тынглап, гюнагълардан тазаланып, сиз иман къардашларыгъызгъа бакъгъан якъдагъы бетгёрдючюлюксюз сюювге етишдигиз. Энниден сонг да бир-биригизни гъакъ юрекден къайнар кюйде сююп туругъуз. ²³Сиз чирип къалагъан урлукъдан тюгюл, бир де чиримейген урлукъдан, демек Аллагъны яшав береген ва даимге къалагъан каламындан таба янгыдан тувдугъуз. ²⁴Неге тюгюл де, Сыйлы Язывларда язылгъаны йимик:

Бары да инсанлар бир отгъа ошайлар. Оланы макътавлугъу да авлакъдагъы чечекге ошай. От сёне, чечек де сёне.

²⁵ *Раббибизни каламы буса даимге къалажакъ.*

Шо калам буса сизге билдирилген Сююнч Хабардыр.

Аллагъ танлагъан наслу

2 ¹Шолайлыкъда, гъар тюрлю яманлыкъны, гъиллачылыкъны, экиюзлюлюкню, гюнчюлюкню ва бугътанчылыкъны къоюгъуз. ²Ругъ якъдан оьсмек учун, янгы тувгъан нарысталардай, таза ругъ сютюн эммеге къарагъыз. ³Неге тюгюл де, сиз Раббибизни рагъмусу не экенни билдигиз.

⁴Огъар – жанлы ташгъа – багып гелигиз. Ону инсанлар гери урду, амма О Аллагъны танлагъаны ва асили. ⁵Сиз де жанлы ташлагъа ошагъансыз. Сыйлы дин къуллукъчулар болуп, сиз Иса Месигъден таба Оьзю рази къалагъан ругъ къурбанларын этсин учун, Аллагъ сизден ругъ ибадатханасын къура. ⁶Сыйлы Язывларда булай язылгъан:

Муна, Мен Сионда танлангъан ва бек къыйматлы баш кюрчю ташны кюрчюге саламан. Амма Огъар иман салгъан гиши уялмас.

⁷Иман салагъан сизин учун бу таш къыйматлы. Иман салмагъанлар учун буса,

усталар ташлап къойгъан таш кюрчюню аслу ташы болуп токътады.

⁸Сыйлы Язывланы башгъа еринде булай язылгъан:

О Ташгъа сюрюнерлер, О саялы йыгъыларлар.

Аллагъны каламына тынгламайгъаны саялы сюрюнерлер. Олагъа шолай буюрулгъан.

⁹Амма сиз танлангъан наслусуз, Пачаны дин къуллукъчуларысыз, сыйлы бир миллетсиз, Аллагъны халкъысыз. Сиз къарангылыкъдан Оьзюню гъайран нюрюню шавласына чакъырагъан Аллагъны макътавгъа

лайыкты ишлерин аян этмек учун сайлангъансыз. ¹⁰ Бир заманларда сиз халкъ да тюгюл эдигиз, гъали буса Аллагъны халкъысыз. Бир заманларда сизге рагъму гёрсетилмеген эди, гъали буса Аллагъ сизге рагъмусун гёрсетди.

Аллагъны къулларыныки йимик яшав

¹¹ Сююмлю къардашларым, сизге тилеймен, жаныгъызгъа къаршы дав юрютеген къаркъарагъыз булан байлавлу яман къастланы къоюгъуз. Сиз бу дюньяда ёлавчуларсыз ва гелгинчилерсиз. ¹² Имансызланы арасындагъы сизин юрюшюгюз сёз табып болмасдай болсун. Шо заман олар гъали сизге яманлар деп ат такъса да, яхшы ишлеригизни гёрюп, къыяматгюн Аллагъгъа макътав этер.

¹³⁻¹⁴ Гъар жура инсан гъакимиятына, оър гъакимлиги болгъан пачагъа, яман ишлер этегенлени такъсырламакъ учун ва яхшы ишлер этегенлеге макътавлар этмек учун, пача йибереген гъакимлеге Раббизни хатириден таби болугъуз. ¹⁵ Яхшылыкъ этмек булан гъайгев адамланы авам даллайларын токътатыгъыз – муна будур Аллагъны сюеген заты. ¹⁶ Азат адамлар йимик яшап къалыгъыз. Амма яман ишлени яшырмакъ учун, азатлыкъны пайдаландырмагъа къоймагъыз. Аллагъны къулларына тийишли болгъан кюйде яшап къалыгъыз. ¹⁷ Бары да инсанлагъа абур этигиз, иман къардашларыгъызны сююгюз, Аллагъдан къоркъугъуз, пачагъа гъюрмет этигиз.

¹⁸ Гъей къуллар, есилеригизге, янгыз яхшы ва юваш хасиятлыларына тюгюл, къагърулу хасиятлыларына да гъюрмет булан таби болугъуз. ¹⁹ Адилсиз азапланы къайгъысын гъакъылы булан Аллагъны англайгъан адам йимик оьтгеренге Аллагъны макътаву болур. ²⁰ Эгер бир яман иш этгенигиз саялы сизин токъалайгъанда чыдай бусагъыз, о сизге не макътав гелтирер? Амма этген яхшы ишигиз саялы сизге гелген азапланы чыдамлыкъда гётере бусагъыз, Аллагъ шогъар рази къалар.

²¹ Аллагъ да сизин шолай этмеге сайлады. Месигъ де сизин учун азап чекди. Сиз де Оьзюню ёлу булан юрюсюн деп, сизге ульгю гёрсетди.

²² Сыйлы Язывларда булай язылгъан:

*О гъеч бир гюнагъ иш этмеде ва Ону авзундан
гъеч бир ялгъан сёз чыкъмады.*

²³ Оьзю сёегенде, О сёгюшюв булан жавап къайтармады. Оьзю азап чегенде, биревге де къоркъув бермеде, адилли кюйде дуван этеген Аллагъгъа аркъа таяп токътады. ²⁴ Биз гюнагъ учун оьлюп, муьминлик учун яшасын деп, Месигъ гюнагъларыбызны Оьзюню уьстюне алып, хачгъа илинди. Ону яралары булан сиз сав болдугъуз. ²⁵ Сиз, адашгъан къойлар йимик, ёлугъузну тас этген эдигиз. Гъали буса сиз жанларыгъызны Къойчусуну ва Сакълавчусуну янына къайтып гелдигиз.

Эр-къатын аралыкъланы гъакъында

З ¹ Гъей эрли къатынлар, сиз де эрлеригизге таби болугъуз. Эрлеригизни бирлери Аллагъны каламына таби болмаса, шо заманда оьзюгюзню турушугъуз-юрюшюгюз булан олагъа ульгю гёрсетип, оланы сёзсюз иман салма мюкюр этигиз. ² Неге тюгюл де, олар сиз нечик таза ва къоркъув булан юрюйгенигизни гёрежеклер. ³ Сизин гёзеллигиз гъайран эшилген чачларыгъыз, тагъынагъан алтынларыгъыз, гиеген арив опуракъларыгъыз йимик тыш затлар булан байлавлу тюгюл, ⁴ амма сёнмейген гёзеллик, йымышакъ къылыкъ, саламатлыкъ йимик ич, юрекден гелеген затлар булан байлавлу гёзеллик болсун. Шолай гёзеллик Аллагъны ягъындан да къыйматлана. ⁵ Бырынгы заманларда оьзлени умутун Аллагъ булан байлавлу этген динагълю къатынлар да эрлерине таби болмакъ булан лап шо къайдада безенгенлер. ⁶ Масала, Ибрагъимге Сара да шолай тынглаву болгъан ва: «Мени есим», – деп айтгъан. Яхшылыкъ этип ва гъеч бир къоркъунчдан тартынмай турсагъыз, сизге де Сараны авлетлери деп айтылар.

⁷ Гъей эрлер, къатынларыгъыз булангъы яшавугъузда олагъа англаву янашыгъыз. Олагъа гъюрметли болугъуз, неге тюгюл де, олар сизден кёп осал болса да, Аллагъны яшавлукъ савгъатына сизин булан тенг варислердир. Шолай этсегиз, сиз гъеч бир пуршавсуз дуа этип болурсуз.

Муьмин амаллар учунгъу азап чегивню гъакъында

⁸ Ахырда да, барыгъыз да къыйышып яшап къалыгъыз, бир-биригизни гёнгюгюзню алыгъыз, бир-биригизни къардашлар йимик сююгюз, языкъсыныгъыз ва саламат болугъуз. ⁹ Яманлыкъ этегенге яманлыкъ булан, сёгюшегенге сёгюшмек булан жавап бермегиз. Терсине, сизге яманлыкъ этеген адамгъа яхшылыкъ болсун деп Аллагъгъа тилегиз. Сизин чи Аллагъ сизге яхшылыкъ гёрсетмек учун сайлады. ¹⁰ Сыйлы Язывларда язылгъаны йимик:

*Ким насипли яшамагъа ва яхшы гюнлени гёрмеге сюе буса,
тилин яманлыкъдан ва авзун ялгъандан сакъласын.*

¹¹ *О яманлыкъдан ари турмагъа ва яхшылыкъ этмеге герек,
парахатлыкъ ахтармагъа ва шогъар етишмек учун къаст
этмеге герек.*

¹² *Неге тюгюл де, Раббиз муьминлеге тергев бере ва оланы дуаларын
эшите, амма яманлыкъ этегенлеге О арт бере.*

¹³ Эгер сиз, яхшылыкъ этмеге сююп, бек къаст этсегиз, сизге ким зарал этмеге болур? ¹⁴ Гъатта яхшы ишлеригиз саялы азап чекмеге тюше буса да, сиз насиплисиз. Олар къоркъагъан затлардан къоркъмагъыз,

тартынма да тартынмагъыз. ¹⁵Юреклеригизде Месигъге Раббигизге йимик абур этигиз. Сизин Аллагъгъа байлавлу умутугъузну себебин ким сорамагъа сюе буса да, огъар жавап бермеге гъар заман гъазир туругъуз. ¹⁶Шо жавапны сиз саламат кюйде ва гъюрмет булан беригиз. Сизин мысгъыллайгъанда, Месигъ учунгъу яхшы турушугъуз-юрюшю-гюзню хорлайгъанлар уялсын учун, намусугъузну таза сакълагъыз. ¹⁷Эгер Аллагъ шолай буюргъан буса, яманлыкъ этип азап чекмекден эсе, яхшылыкъ этип азап чекмек яхшыдыр.

¹⁸Месигъ де инсанланы гюнагълары учун бир керен азап чегип оялду. Сизин Аллагъгъа ювукълашдырмакъ учун, муъмин болгъан Месигъ муъмин тюгюллер саялы оялоуп гетди. Ону къаркъарасы оялтюрюлду, амма Ругъу буса яшавгъа къайтарылды. ¹⁹Ону Ругъу барып туснакъда болгъан ругълагъа сёйледди. ²⁰Шо ругълар бир заманларда Аллагъгъа таби болмакъны гери урдулар. Шо заманларда Нугъ гемесин этип битгинче, Аллагъ чыдамлы кюйде къаравуллап тура эди. Шо заман геме булан сувда азлар, янгыз сегиз адам, къутулдулар. ²¹Шо зат гъали сизин къутгъарагъан, сувгъа чомдуртуп, оязюгюзню Аллагъгъа тапшуртуну белгисидир. Демек, къаркъарагъыздан насны жувуп тайдырыв тюгюл, таза намус булан Аллагъгъа берилген ваъдадыр. Шо сизин Иса Месигъни тирилтивю булан къутгъарагъан ваъдадыр. ²²Иса Месигъ кёклеге чыгып, Аллагъны онгъ ягъында олтурду. Бары да малайиклер, гъакимлер ва гючлер гъали Огъар таби болду.

Аллагъ учунгъу яшав

4 ¹Месигъ къаркъара якъдан азап чекгенине гёре, сиз де Месигъде болгъан йимик пикрулар булан оъз ругъларыгъызны беклешдирмеге къарагъыз. Неге тюгюл де, къаркъара якъдан азап чекген адам гюнагъ ишлерин тамамлай. ²Натижада, бу дюньядагъы кългъан яшавугъузну напсыгъызгъа тынглап оятгермегиз, Аллагъ рази къалагъан кюйде оятгеригиз. ³Имансызлар этегенде йимик, сиз пасатлыкъ, напсгъа ёл къоягъанлыкъ, ичкичилик, кеп чегивлер, севрюкюк, ялгъан аллагълагъа жиргенч кюллукъ этив булан оямюрюгюзню таман чакъысын оятгердигиз. ⁴Гъали буса имансызлар, шолай пасат яшавгъа оъзлер булан бирче сиз де неге чомулуп турмай деп тамашалыкъ этип, сизин сёгелер. ⁵Олар савлагъа ва оялолеге дуван этмеге гъазир болгъан Аллагъны алдында гъисап бережеклер. ⁶Бу себепден Сююнч Хабар оялолеге де билдирилди. Къаркъара якъдан олагъа оялюм дуван гесилген буса да, шондан сонг да олар, Аллагъ йимик, ругъ якъдан даим яшап къалажакълар.

⁷Узакъ кълмай бары да затгъа ахыр къобажакъ. Шо саялы да, дуа этме болмакъ учун, сав гъакъыллы кюйде ва айыкъ туругъуз. ⁸Бары да

затдан алда бир-биригизни гъакъ юректен къайнар кюйде сююп туругъуз. Неге десегиз, сююв кёп гюнагълардан къутгъара. ⁹Хонтурланмайлы, бир-биригизге къонакълыкъ этигиз. ¹⁰Аллагъ берген савгъатны гъар-биригиз башгъагъа кюллукъ этмек учун тийишли кюйде пайдаландырыгъыз. ¹¹Сёйлейген адам Аллагъны сёзлери булан сёйлейгенде йимик сёйлесин. Ким кюллукъ эте буса, оязюне Аллагъ береген толу гючю булан кюллукъ этсин. Шоланы барысы да булан Иса Месигъден таба Аллагъгъа макътавлукъ гелтирсин. Макътав ва кудрат гъар даим Иса Месигъникидир.

Месигъ чекген азапларда ортакъчылыкъ этив

¹²Аявлу кюрдашларым, сизге сынагъа тюшген авур азаплагъа, бир тамаша затлар болуп турагъанда йимик, тамаша болмагъыз. ¹³Терсине, Месигъ чекген азапларда ортакъчылыкъ этегенигизге сююнююз! Шо заман, Ону макътаву аян болгъанда, сююнюп-къуванып къалажакъсыз. ¹⁴Эгер Месигъни атын гъюрметлегенигиз саялы сизин хорлай буса, сиз насиплисиздир! Неге тюгюл де, Аллагъны макътавлу Ругъу сизин булан кълалыр. ¹⁵Оялтюрювчюге, уручугъа, жинаятчыгъа яда башгъаны мюлкюн алагъан адамгъа йимик сизин гъеч биригизге де азап чекмеге тюшмесин. ¹⁶Эгер Исагъа иман салгъан саялы азап чекмеге тюше буса, шондан бир янгыз да илыкъмагъыз, Ону атын гъюрметлейгенигиз саялы Аллагъгъа макътав этигиз.

¹⁷Дуванны Аллагъны адамларындан башламагъа заман етишди. Шо бизден башлана болгъан сонг, Аллагъны Сююнч Хабарына таби болмагъанланы ахыры нечик болур экен? ¹⁸Сыйлы Язывларда да булай язылгъан:

Эгер муъминлер гъарангъа къутгъарыла болгъан сонг, аллагъсыз ва гюнагълы гишилени гъалы нечик болур экен?

¹⁹Шолай болгъанда, Аллагъны буйругъу булан азап чегегенлер инамлы Яратгъаныбызгъа оъзлени аманат этсинлер ва рагъму этивюн узатып турсунлар.

Жыйынны ёлбашчыларына насигъатлар

5 ¹Демек, мен арагъыздан Исагъа иман салгъанланы жыйыныны ёлбашчыларына сёйлеймен. Мен де шолай ёлбашчыман, Месигъни азапларыны шагъатыман ва Ону ачыкъ болажакъ макътавлугъуна ортакъчы болажакъман. ²Къойчулар сиривлерини гъайын нечик эте буса, сиз де оязюгюзге тапшурулгъан Аллагъны сиривюн, демек Исагъа иман салгъанланы гъайын этигиз! Шону сиз борч болуп тюгюл, гёнгюллю кюйде этигиз, неге тюгюл де Аллагъ шолай кюллукъ этивню сюе. Загъматны акъчагъа сутурлугъугъуздан тюгюл, кюллукъ этивге

къасткъылагъаныгъыздан төгююз. ³Сизге овълени гъайын этме инанылгъанлагъа гъакимлик эте туруп, олагъа уылгю бола туруп. ⁴Баш Къойчубуз Иса гелип гөрюнген заманда, сиз сөнмейген бир макътавлу таж алажакъсыз.

«Объюзюню саламат тутугъуз»

⁵Сиз, гиччилер, уллулагъа таби болугъуз. Бир-биригизге саламат янашыгъыз. Неге тюгюл де, Сыйлы Язывларда язылгъаны йимик,
Аллагъ оьктемлеге къаршы турар, саламат болгъанлагъа буса рагъмусун гёрсетер.

⁶Шо саялы Аллагъны къудратлы къолуну тюрюнде объюзюню саламат тутугъуз. Заманы гелгенде, О сизин оьрлендирежек. ⁷Бары да къайгъыларыгъызны Аллагъа тапшуруп къоюгъуз, неге тюгюл де О сизин гъайыгъызны эте.

⁸Айыкъ ва сакъ туругъуз. Сизин душманыгъыз болгъан иблис къыдырып айлана, акъырагъан арслан йимик, кимни ашайым деп излеп тура. ⁹Иблисге къаршы токътай туруп, иманыгъызда къатты кюйде туругъуз. Неге тюгюл де, сизин йимик, бютюн дюнъядагъы иман къардашларыгъыз да азаплар чегегенни сиз билесиз. ¹⁰Бары да рагъмуну Еси болгъан Аллагъ Иса Месигъден таба сизин Объюню даимлик макътавлугъуна ортакъчы болмагъа чакъырды. Сиз бир къысгъа мюглет азап чекгенден сонг, О сизин камиллешдирип, гючлендирип, беклешдирип ва къаттылашдырып бережек. ¹¹Гъакимлик гъар даим де Онуки болсун!

Ахыргъы саламлар

¹²Сизин ругъландырмакъ учун, мен инамлы къардашым деп гъисап этеген Силуанны кёмеги булан сизге бу къысгъаракъ кагъызымны яздым. Бу кагъызым булан мен Аллагъны гъакъ рагъмусу гъакъында шагъатлыкъ этдим. Ону шо рагъмусундан тайышмай туругъуз!

¹³Бабилде* Исагъа иман салгъанлар сизге саламлар йиберелер. Сизин йимик, оланы да Аллагъ сайлады. Авлетимдей гёреген Марк да сизге саламлар йибере. ¹⁴Бир-биригиз булан къардашлар йимик къысып къучакълашып саламлашыгъыз. Сизге, Месигъники болгъан барыгъызгъа да, парахатлыкъ болсун.

* 5:13 «Бабил» деп Петер мунда Румну гъакъында айта болмагъа герек.